

Script of Evening Gojri News Bulletin 17
September 2024 at 1700 Hrs

ایوٹننگ گو جری نیو ز بلیٹن مو رخہ 17
ستمبر 2024

یوہ آکا شوانی جموں ہے محمد مبارک ماہر تے
محمد اکرم تیں خبر سُنو۔ پہلاں خاص خاص خبر۔

1★ جموں کشمیر پہلا مرحلہ غا چناؤ واسطے تیار
ہے تے 7 ضلعان مانہہ اک دہائی بعد پلک ووٹ کھلیا
جائیں گا۔

2★ صدرِ جمہوریہ درویدی مرمو نے پانی گا تحفظ
بہتر انتظام، ترقی تے تقسیم گا اہداف نانہہ حاصل
کرن واسطے عوامی تحریک شروع کرن غی ضرورت
ور زور دتو ہے۔

3★. پر سار بھارتی غا چیرمین نونیت کمار سہگل نے کہیو ہے کہ تمام زبانان غو احترام کرتاں واں بندی نانہہ فروغ دینو چاہیے۔

4★. تے مرکزی وزیر داخلہ امت شاہ غو کہنو ہے جے مودی حکومت غی تیجی مدت غا پہلا 100 تہاڑاں مانہہ 15 لکھ کروڑ روپیاں گا کم شروع کیا گیا ہیں۔

خبراں غی تفصیل نال پہلا ن محمد مبارک ماہر۔

1st Phase Pooling

جموں کشمیر مانہہ اسمبلی انتخابات غا سلسلہ مانہہ پہلا مرحلہ واسطے ووٹ اگست 2019 مانہہ دفعہ 370 غی منسوخی تیں بعد پہلی واری پلک کہلیا جائیں گا۔ 23 لکھ تیں متا ووٹر 219 امید واراں وچوں اپنا اصل نمائنداں غوانتخاب کریں گا۔ جن مانہہ 90 آزاد امید واری اپنی قسمت آزما رہیا

ہیں۔ 24 اسمبلی حلقاں وچوں 8 خطہ جموں تے
16 وادی کشمیر غا ہیں جن مانہہ یہ ووٹ پلک
کہلیا جا ئیں گا۔ ووٹ کہلن آلاں مانہہ 11 لکھ 76
ہزار مرد، 11 لکھ 51 ہزار خواتین تے 60 خواجہ سرا
شامل ہیں۔ جن مانہہ 18 تیں 19 بہراں غی عمر غا
1 لکھ 23 ہزار نوجوان 28 ہزار 3 سو 9 معزور افراد تے
15 ہزار 7 سو 74 بزرگ ووٹر شامل ہیں۔ اس سلسلہ
مانہہ 1 ہزار انتخابی عملو 3 ہزار 2 سو 76 انتخابی
مرکزاں ور اپنی خدمات انجام دے گو۔ جس مانہہ
جموں کشمیر پولیس تے مرکزی نیم فوجی دستا
وی شامل ہیں۔ ان نانہہ حفاظت غی ذمہ داری
سونپی گئی ہے۔ مذکورہ اسمبلی حلقہ مانہہ
پامپور، ترال، پلوامہ، راجپور، زین پور، شوپیان، ڈی
ایچ پورا کوکر ناگ وغیرہ سمیت جموں مانہہ
اندروال، کشتواڑ، پاڈر ناگسینی، بہدرواہ، ڈوڈہ تے دوجا
شامل ہیں۔ وادی چناب گا منیا پڑمنیا امید واراں

مانہہ خالد نجیب سہروردی این سی، وقار رسول
وانی کانگریس، سُنیل شرما بی جے پی، شکتی راج
پرپہارتے غلام محمد سروری شامل ہیں۔

Pool Parties

جموں کشمیر غا ضلع ڈوڈہ غی پولینگ پا رٹین اچ
18 ستمبر نانہہ پہلا مرحلہ غا ووٹ کہلن تیں پہلاں
ای وی ایم مشیناں غے نال اپنا مقرر کردہ انتخابی
مرکزاں واسطے روانہ ہو ئیں۔ اس سلسلہ مانہہ 5
سو 34 پولینگ پا رٹیاں نانہہ ڈوڈہ گا دور دراز علا
قاں مانہہ ٹوریو گیو۔ جموں کشمیر غا 24 اسمبلی
حلقاں مانہہ پہلا مرحلہ واسطے پلک ووٹ کہلیا جا
ئیں گا۔ اس تیں علا وہ رام بن تے کشتواڑ ضلعان غی
پولینگ پا رٹیں وی ای وی ایم مشیناں غے نال اپنا
مقررہ کردہ انتخابی مرکزیاں در روانہ ہو گئی ہیں۔
ضلع چناؤ افسر رام بن بصیر الحق چودھری غی

نگرانی مانہ اسمبلی انتخابات غا پہلا مرحلہ غی
تیاری ضلع رام بن مانہ زوراں ور ہیں۔ انتخابات غا
سلسلہ مانہ استعمال ہون آلسامان جس مانہ
ای وی ایم تے وی وی پیٹ مشین انمنٹ سیا سی
تے دوجو سامان ضروری ضلع رام بن غا انتخابی
مرکزاں ور بھیج دتو گیو ہے۔ تانجے انتخابی عمل
نانہ آسانی تے صاف شفاف طریقہ نال کران نانہ
یقینی بنایو جا سکے۔

SVEEP Poonch

ضلع چناوی حُکام پونچھ نے ووٹاں غی اہمیت تے
چناوی شرکت غا با را مانہ بیداری پھیلان غی
کوشش ک کرواتاں منظم سویپ پروگرام غے تحت
مصوری مقابلہ غو انعقاد کیو۔ مہارا ضلع نامہ نگا
ر انو بہاؤ مصری غے مطابق یاہ تقریب ضلع چناؤ
افسر غی ہدایت ور منعقد ہو ئی۔ مذکو رہ مقابلہ

مانہ زبردست رد عمل دیکھیو گیو۔ مقابلہ مانہ
حصو لین آلا 6 اسکولان گا 55 تیں متا طلباء غے نال
نوجوان فنکاران نے اک مضبوط جمہو ریت واسطے
اپنا تصورات نانہ پینٹ کر غے اپنی تخلیقی
صلاحیتاں غو مظاہرو کیو۔ سویپ پروگرام غو مقصد
شہریاں غی تعلیم تے حوصلہ افزائی کرنو ہے تا
نجے خاص طور رور نوجوان انتخابی عمل مانہ لین
تے اپنا ووٹ غا حق غو استعمال کریں۔ مذکورہ
مقابلو طلباء نانہ اس جمہوری عمل مانہ شامل
کرن تے انہاں نانہ ذمہ دار شہری بنن غی ترغیب
دین گو اک اہم اقدام تھو۔ ضلع سطح غا ما سٹر
ٹریئر سویپ رویندر سنگھ نے اسکولی طلباء غی
پرجوش شرکت ورکوشی غو اظہار کیو ہے۔

Reasi Home Voting

ضلع ریا سی اج تیں 85 بہراں تیں متی عمر غا
ووٹراں تے خصوصی طور ر ور معزور افراد واسطے
کہر کہر ووٹ کھلن غی سہولت نانہ بدھان
واسطے تیار ہے۔ ضلع گا گل 6 سو بزرگ تے
خصوصی طور ر معزور ووٹر جھیڑا 40 فیصد تیں
متی معزوری گا شکار ہیں یہ ضلع غی 3 اسمبلی
حلقاں توں اپنا ووٹ گو استعمال کر ریا ہیں۔ یاہ
سہولت عام اسمبلی چناؤ مانہ پہلی بار دتی جا
رہی ہے۔ اس طرح ضلع ریا سی غے تحت گلاب
گڑھ، ریا سی تے شری ماتا ویشنو دیوی سمیت 3
حلقاں مانہ مانہ 74 ٹیم کہر کہر ووٹینگ خاطر
مواد غے سنگ ٹوری گئی ہیں۔ ٹورن تیں پہلاں
سیکٹر میجسٹریٹ، چناوی عملہ، ویڈیو گرافر تے
پولیس اہلکاراں ور مشتمل ہر ٹیم نانہ بھارتی
چناؤ کمیشن غے ذریعے کہر کہر ووٹینگ غا رہنما
خطوط بارے مکمل طور ر ور دسیو پالیو گیو۔ مہارا

ضلع نامہ نگار دویندر ٹھاکر غے مطابق ضلع ریا سی
مانہ 25 ستمبر نانہہ دوجا مرحلہ غے دوران ووٹ
کہلیا جا ئیں گا۔ بھارتی چناؤ کمیشن غو کہہ کہہ
ووٹ کہلن غو اک اہم قدم ہے۔ چناوی ٹیم اہل
ووٹراں گا کہہراں تک پُجے غی جت اہل افراد اپنا
ووٹ غو استعمال کریںگا۔

Prez Water Week

صدر جمہوریہ درویدی مرمو نے پانی غا بچاؤ، بہتر
انتظام، ترقی تے تقسیم غا بدف غا حصول غا سلسلہ
مانہ عوامی تحریک شروع کرن غی لوڑور زور دتو
ہے۔ صدر جمہوریہ نے اج نوی دہلی مانہ بھارت
منڈپم مانہ 8 واں بھارت پانی ہفتہ تقریب غو افتتاح
کرتاں واں پانی غا تحفظ تے پائیداری بارے اہم
مسئلہ سنگ نمڑن خاطر سانجھی کوششاں غی
اہمیت ور زور کہلیو۔ صدر موصوفہ نے کہیو جے

مُلک مانہہ آبی وسیلاں غا بندو بست با رے مچ
سارا پُرانا طریقہ موجو د ہیں۔ جھیڑا ہُن وی جدید
طرز عمل ور کم مانہہ آنیا جا سکیں۔ صدر موصوفہ
نے کہیو کہ بھارت غی پُرانی کتاباں مانہہ ہزاراں
سال پہلاں پانی غا تحفظ با رے ذکر کیو گیو ہے۔ اُن
نے کہیو جے آزادی غا امرت مہاتسو غے دوران
امرت سرور بنایا گیا تے نال ہی مچ سارا آبی ذخیرہ
وی بحال کیا گیا۔ صدر نے جل جیون مشن غی
تبدیلی غا اثرات با رے گل کرتاں واں کہیو کہ اس
نے پورا مُلک مانہہ پانی غی منصفانہ تقسیم
نانہہ نمایاں طور ور بہتر بنایو ہے۔ اُن نے کہیو جے
مشن نے سب واسطے صاف پانی تک رسائی نانہہ
یقینی بنایو ہے۔ اور اس گل ور خوشی گو اظہار کیو
کہ 78 فیصد دیہی علاقاں نانہہ پہلاں ہی پانی گا
کنیکشن فراہم کیا جا چکا ہیں۔ جھیڑی پانی غی
رسائی غا سفر مانہہ اک قابلِ ذکر کامیابی ہے۔ اس

موقعہ ورجل شکتی گا وزیر سی آر پاٹل نے خطاب کرتاں واں شراکت داراں کولوں مضبوط تعاون ، شراکت داری تے ترقی پسند حل غے ذریعے پانی غی کمی گا مسئلہ سنگ نمڑن با رے اپیل کی۔ اُن نے دسیو جے ہُن تک 15 کروڑ تیں متا دیہی گھراں نانہہ نلکا غا پانی غا کنیکشن فراہم کیا گیا ہیں۔4 روزہ تقریب غے دوران 40 مُلکاں گا 2 سو مندو بین سمیت قریب 4 ہزار مندو بین حصو لیں گا۔ اور اس نمائش غے دوران اک سو تیں متا نمائش کا ر تے اسٹارٹ اپس پانی غا شعبہ مانہہ اپنا خیالات سانجہ کریں گا۔

Jatinder Cong-NC

مرکزی وزیر ڈاکٹر جتندر سنگھ نے اج جموں کشمیر نانہہ ریا ست غو درجو بحال کرن غا کانگریس گا دعویٰ نانہہ بے بنیا د قرار دیتاں واں کہیو بے کہ وزیر

اعظم نریندرمو دی نے پہلاں ہی وعدو کیو وہ بے جے
چناؤ تیں بعد جموں کشمیر غو ریا ست غو درجو
بحال کیو جا ئے گو۔ اُن نے کہیو کہ کا نگریس غا
منشور غو کوئی اعتبار نہیں تے لوک اس نانہ
سنجیدگی سنگ نہیں لیں گا۔ اُن نے کہیو کہ کا
نگریس تے نیشنل کا نفرنس غو خیال بے کہ وے اک
غلط بیانیو تیار کریں گا کہ ریا ست ان غا دباؤ غی
وجہ تیں بحال ہو ئی بے، ور یوہ کم نہیں کرے گو۔
جموں کشمیر مانہ اسمبلی انتخابات 3 مرحلاں
مانہ ہو ریا ہیں۔ پہلا مرحلہ واسطے پلک یعنی 18
ستمبر، دوجا مرحلہ واسطے 25 ستمبر جد کہ تیجا
مرحلہ واسطے پہلی اکتوبر نانہ ووٹ کھلیا جا ئیں
گا تے ان غی گنتری 8 اکتوبر نانہ وے گی۔

یہ خبر تم آکاشوانی جموں تیں سُن ریا ہیں خبراں
غا باقی حصہ نالب محمد اکرم۔

Parsar Bharti Hindi Diwas

پر سار بھارتی گا چیرمین نو نیت کمار سہگل نے
کہیو ہے کہ تمام زبانان گو احترام کرتاں واں بندی
نانہ فروغ دینو چاہیے۔ اج نوی دہلی مانہ پر سار
بھارتی سیکریٹریٹ مانہ بندی دیوس منان غا اک
پروگرام سنگ خطاب کرتاں واں جناب سہگل نے
کہیو کہ بندی زبان بولنی تے سمجھنی آسان ہے۔ تے
سب نانہ بندی فخر سنگ بولنی چاہیے۔ مزید کہیو
جے وزیر اعظم نریندرمودی دُنیا گا بڑا مقامات ور
بندی مانہ تقریر کریں۔ اس موقعہ و ر گل کرتاں
واں پر سار بھارتی گا سی ای او گو رُو دیویدی نے
روز مرہ گا سرکاری کم مانہ سرکار زبان بندی
مانہ کم کرن ور زور دتو۔ تے مزید کہیو جے اس
زبان نانہ بھارتی زبانان مانہ منفرد مقام حاصل
ہے۔ اس تیں علا وہ جناب دیویدی نے عہدیداراں
نانہ بدائیت کی جے وے منفرد مقام ور کم کرتاں

واں بندی زبان گو استعمال کریں۔ اس تقریب مانہہ
ڈائریکٹر جنرل آکاشوانی پرگیا پالیوال گاؤر، ڈی جی
دور درشن کنچن پرساد تے دیگر اعلیٰ عہدیداراں نے
وی شرکت کی۔

Shah 100 Days

اندرونی معاملن گا وزیر امت شاہ نے کہیو ہے کہ
3.0 مو دی سرکا ر گا 100 تہاڑاں غے دوران 15 لکھ
کروڑ روپیاں غی مالیت غا منصوباں نانہہ منظوری
دتی گئی۔ اُن نے کہیو کہ مالی حالت نانہہ باہدو
دین، بنیا دی ڈھانچہ تے بھلائی بہتری غے نال نال
غریب تے پچھڑیا طبقاں غی زندگی نانہہ آسان بنان
بارے خاص توجو دی گئی ہے۔ مو دی 3.0 سرکا ر
گا 100 تہاڑا پورا ہون ور اندرونی معاملن گا وزیر
امت شاہ تے اطلاعات و نشریات غا وزیر اشونی
ویشنوؤ نے اج سرکا ر غی طرفوں کیا گیا کماں ور

اک کتابچو وی جاری کیو۔ نوی دہلی مانہ نامہ نگاراں سنگ گل کرتاں واں وزیر داخلہ نے پچھلا 10 بہراں مانہ بکھ بکھ شعباں مانہ چایا گیا سرکاری قدماں غی تعریف کی۔ اُن نے کہیو کہ مو دی سرکار نے پچھلا 100 تہاڑاں مانہ 3 لکھ کروڑ روپیہ بنیا دی ڈھانچہ واسطے مختص کیا گیا۔ جن وچوں سڑک رابطاں واسطے 50 ہزار 6 سو کروڑ روپیا شامل ہیں۔ وزیر داخلہ نے ڈیجیٹل انڈیا پہل تے اس غا عالمی اثرات غی تعریف کرتاں واں بھارت غا سیمی شعبہ مانہ اک بڑا کھڈاری غا طور رور اُبھرن بارے اظہار کیو۔ غریباں غی بھلائی بہتری بارے کیا گیا کماں ور وزیر موصوف نے کہیو کہ پچھلا 10 بہراں مانہ 60 کروڑ غریب لوکاں نانہ سرکار غی بھلائی بہتری اسکیمان تیں فائدو پُجیو ہے۔ کساناں بارے گل کرتاں واں اُن نے کہیو جے کساناں غی بھلائی بہتری واسطے پر دھان منتری کسان

ندھی غے تحت 9 کروڑ تیں متا کساناں نانہہ 20 ہزار
کروڑ روپیا دتا گیا ہیں۔ اس تیں علا وہ درمیانہ طبقہ
نانہہ باختیار بنان واسطے 7 لکھ روپیاں تک آمدنی
بُن محصول تیں پاک رکھیو گیو ہے۔

Rajnath 100 Days

وزیر دفاع راجناتھ سنگھ نے اج زور دیتاں واں کہیو
کہ سرکار دفاعی شعبہ مانہہ بھارت نانہہ خود
کفیل بنان بارے پُر عزم ہے۔ نربندر مو دی سرکار گا
100 تہاڑاں غی تعریف کرتاں واں وزیر دفاع نے
کہیو کہ وزارت نے پچھلا 3 مہیناں مانہہ ڈیڑھ لکھ
کروڑ روپیاں غی مالیت تیں متاں غو دفاعی
سامان خریدن بارے منظوری دتی ہے۔ انہاں نے
کہیو کہ سرکار نے 501 تیں متیا چیزاں نانہہ سُد
دیسے بنان بارے فہرست مانہہ شامل کیو ہے۔
وزیر موصوف نے سماج گا سارا طبقاں گا لوکاں

غی بھلائی بہتری بارے سرکا ر غی طرفوں چایا
گیا قدموں ور لو کہلتاں واں کہیو کہ سال 2047 تک
بھارت نانہہ اک ترقی یا فتنہ مُلک بنان غا ہدف آلے
پا سے بدھ رہی ہے۔ حزب اختلاف گا رہنما راہل گا
ندھی غی طرفوں سرکا ر ورنقہ چینی گا اک سوال
غو جواب دیتاں واں وزیر دفاع نے کہیو جے
کانگریس رہنما غی گل کا ئے حقیقت نہیں رکھتی۔
اُنہاں نے الزام لاتاں واں کہیو کہ راہل گا ندھی دوجا
مُلکاں مانہہ جا غے اپنا مُلک غی شبیہ نانہہ بگاڑن
گا جتن کریں تے نالے بدنام کرن غی کوشش کریں۔
جھیڑی کہ اک بڑی ستم ظریفی آلی گل ہے۔

اس غے نال ہی خبراں غو یوہ بلیٹن ختم ہوؤ۔